

嶺南叢述卷二十四

東莞 鄧 淳 粹如編輯

香山 鄭廷棣 常蔭參訂

知遇

博士第一

時議欲立左氏傳范升奏以為左氏淺末不宜立陳元聞之乃詣闕上疏范升復與元相辯難凡十餘上帝卒立左氏學太常選博士四人元為第一後漢書

一門四太守

士燮蒼梧廣信人也舉茂才除巫令遷父交趾太守時州郡擾亂燮乃表弟壹領合浦太守次第徐聞合薊領九真太守薊弟武領海南太守燮體氣寬厚謙虛下士中國士人往依避難者以百數耽玩春秋為之注解陳國袁徽與尚書令荀彧書曰交趾士府君

嶺南叢述

卷二十四 知遇

既學問優博又達於從政處大亂之中保全一郡二十餘年疆場無事民不失業羈旅之徒皆蒙其慶雖竇融保河西曷以加之官事小閑輒玩習書傳春秋左氏傳尤簡練精微吾數以咨問傳中諸疑皆有師說意思甚密又尚書兼通古今大義詳備聞京師古今之學是非忿爭今欲條左氏尚書長義上之其見稱如此燮兄弟並為列郡雄長一州偏在萬里威尊無上出入鳴鐘磬備具威儀笳簫鼓吹車騎滿道武人夾轂焚燒香者常有數十妻妾乘輜輶子弟從兵騎當時貴重震服百蠻佗不足踰也三國志

授鄭愚嶺南節度使制

朕推轂求才登壇命將每於邊遠尤屬賢能况邕南地界蠻鄉甫新戎號外虞連歲創痍焚劫之餘上將開藩兵甲繕完之始中權所寄慎固尤難用迴攘接之仁往整律竭之旅某官鄭愚價高東序氣茂南薰挺超卓之奇名蘊精剛之利器詞源獨濬其波瀾經

筭莫窮其韜畧佇自郅堂舉秀儉府增華霜署諫垣聯翮羽翰郎
曹史館洋溢聲光益部播戎卒之功商嶺著條制之跡博洽強志
居無流心遠畧精能動有餘地日者熟其業用委以察廉果能宣
布惠和講求利病纔報下車之政已蕪闔境之人發爲歌謠流滿
道路朕以朗寧地分零桂共控夷蠻將以重城鎮於兩江壯服欽
于西道俾崇旌節用固疆陲而屬統馭有乖拊循生變戎章旣失
城守已離宜得通敏之材以敷勞來之旨是用輟于隣部授以軍
麾載觀易地之能俾服揚旌之貴旣懋帥節仍長憲臺勉承顧遇
之榮佇觀輯柔之績可守邕州刺史兼御史大夫充嶺南西道節
度觀察處置等使散官勳封如故主者施行

文苑英華

趙天水爲師

趙德海陽人大曆十三年進士元和間韓愈刺潮置鄉校延德攝
海陽尉爲衙推官勾當州學事稱德專靜頗通經有文章能知先
嶺南叢述 卷二十四 知遇 二

王之道論說且排異端宗孔氏可以爲師及愈改袁州欲携與俱
謝弗往愈高其操賦詩爲別有婆娑海水南簸弄明月珠之句又
以平生所作文授之德而序之德文章氣節卓有植立爲潮學宗
學者稱爲天水先生

戴志

張文獻公充右丞相制

門下燮理陰陽儀刑端揆自非人傑孰副僉諧金紫光祿大夫侍
中宏文館學士上柱國稜山縣開國男裴耀卿才實國卿望爲人
範懷匪躬之節竭奉上之心金紫光祿大夫中書令集賢院學士
修國史上柱國始興縣開國子張九齡器識宏遠文詞博達負經
緯之量有謀猷之能自翼贊台堦爰倫攸敘直道之心彌因蹇謬
之操逾堅並可以儀範百僚緝熙庶績宜處掖垣之任得列官師
之長耀卿可守尚書左丞相九齡可尚書右丞相散官勳封如故

主者施行

曲江集

升七寶山座

唐元宗于勤政樓作七寶山座高七尺召諸學士講經義談政務
惟張九齡議論風生得升此座時論美之唐書

姜公先見

上蒙塵幸奉天翰林學士姜公輔屢進嘉謀深叶上意初涇原兵
亂長安公輔奏云朱泚甚有反狀不如早為之所無合為兇逆也
上倉皇之際不暇聽從及聞亂秀實之死上執公手曰姜公姜公
先見之明可謂神畧矣乃擢公輔為諫議大夫同中書門下平章
事杜陽集編

一家四相

趙光裔奉天人劉蕡時為同平章事其兄光逢為翰林學士承旨
與光裔對掌內外制命時論榮之弟光胤相後唐子損相繼為相
五季時一家四相當世莫不歆羨南漢春秋

嶺南叢述

卷二十四

知遇

温庭筠拔邵謁

邵謁翁源人居太學屢試不第温庭筠主試以謁數奇不遇乃勝
其所作三十餘篇以振公道勝文曰國子監右前件進士所納詩
篇等識畧精微堪裨教化聲詞激切曲備風謠標題命篇時所難
者燈燭之下雄詞卓然誠宜勝示衆人不敢獨專華藻並仰勝出
以明無私仍請甲堂并勝禮部咸道七年十月六日試官温庭筠

勝

唐詩紀事

獻賦賜珠

南漢乾亨四年文德殿成著作郎陳光父獻賦賜珠數升十國春秋

御札崔清獻公七道

卿年高德邵國之望也朕親政以來渴想猷告虛天官以俟游覽
奏牘奚辭之確朕惟寡昧冀揚前烈當勉為朕起以副圖任之意
書不云乎尚猶詢茲黃髮則罔所愆此朕惓惓於卿者眷然有懷

其輒就道勿復引辭

端平元年四月

朕妙棟耆英參預大政命下之日朝

野交歡亦惟卿名德素孚有以歷服衆論也屬時多虞正賴協濟

母事遜避亟孤成渥今專遣札書賜卿雖未能如古者安車聘召

之禮傾心注想實則過之其卽戒行以副朕尊用老成之意

端平二年

朕親政之始訪求耆碩卿其首也側席逾兩期而俟駕之行尚

爾悠邈豈朕好賢之意未篤即先朝文彥博九十餘老猶肯預聞

國事卿何如年乃不爲朕一出使貽恨同時恐非仁賢之志方虛

政地以待其卽日戒行式副延竚再此親札宜體至懷

端平二年十月

朕親覽萬機敷求賢哲用勵相我國家若時登庸以彰厥德卿才高

經濟節守清忠信爲國之著龜宜秉鈞於廊廟誕敷渙號允穆師

言已命帥臣優禮津發昔衛武公九十而爲相今卿年未入裘壽

考康寧亟乘蒲輪進登槐位使蠻夷畏漢相之風采人民覽令尹

之儀刑以尊朝廷安社稷而有無窮之聞豈不休哉

嘉熙元年二月

嶺南叢述

卷二十四

知遇

四

文允武善斷善謀簡自朕心爰立作相縉紳上賀中外均歡亟令

帥臣以禮津發申飭專使資詔趣行旣側席以待賢宜脂車而就

道胡屢稱於耄老謂莫任於驅馳昔衛國武公百歲猶勤於箴儆

而我朝彥博九十尙總於平章矧卿力則弗衰年猶未及盡副四

方之望不遠千里而來共圖事功以安社稷豈特卿有無窮之聞

抑使邦其永孚於休

嘉熙元年三月

朕比以亞輔起卿海濱屢覽來章引

病力甚良爲憮然此去天氣正炎度決未可就道趣行之命當俟

良秋第今中外之務猥多以卿老成之慮夙懷康濟之猷凡政事

之孰當罷行人才之孰當用舍卿宜條畫來上朕當密自施行毋

事匿情式副延竚

嘉熙元年四月

朕以卿夙負經綸之學久孚中外之望

擢登揆席一稔於茲控免益堅皆以年齒之晚疾病之故道路之

長爲辭朕非不亮卿言之懇切然置國家之安危計一身之利害

非世所望於卿者矧此覽條奏詳明精切謀國致君備極忠愛所

以日憶注想冀卿之幡然也李昂英久從卿遊今輟自班聯俾以
使郡專往見卿明諭朕志秋冬之交天宇清佳卿宜即日就道式
副至懷嘉熙元年十二月○清獻集

愚公賜袍

海康王景賢字希賢號愚谷仕至靖江路推官致仕至治癸亥又
宗潛邸於瓊因獻詩爲所嘉賞手書愚谷二大字賜之天厯中復
有六花宮袍之賜然能自守亦善詩嘗賦清貧有味輕瓊
饌紫綬無功愧綠簑之句云雷州府志

兼三禁職

馮元南海人進士官諭德數獻歌頌兩宮褒禮賜予甚渥仁宗卽
位爲直學士兼侍講與孫誦並進天聖三年同判國子監故事多
宿儒典領及奭並命士議悅服五年同知貢舉進龍圖閣學士預
修三朝正史爲南郊鹵簿使七年爲翰林學士三禁職皆天下選

嶺南叢述

卷二十四

知遇

五

而元兼之士林以爲榮宋史

張狀元紀恩詩

宋制進士先進詩謝恩上有賜詩復和之以進度宗咸淳辛未吾
鄉狀元張鎮孫謝恩詩云當宁宵衣務得賢草茅何足副詳延天
人要語垂清問仁敬陳言上奏篇愧乏謀猷裨乙覽忽驚姓字首
臚傳乾坤大德知難報誓秉孤忠鐵石堅御賜狀元以下詩云臨
軒再策匪虛文要語詒謀敢弗遵昭格天心惟至敬封培邦本在
深仁詳延喜見洋洋對來譽知爲蹇蹇臣始進便當思遠到會須
華國有儒珍鎮孫和上云聖主游心六藝文先皇成憲日常遵天
人親屈九重問嶺海同歸一視仁已忝臚傳魁衆俊復叨燕衍逮
微臣終身祇佩丁寧訓遠到功名願自珍當時所以貴士者至矣
今刻石廣郡學中雙槐歲抄

三賜堂額

李昂英字俊明番禺人成進士第三人歷吏部郎請正史嵩之罪復陳三事帝嘉其直書名御屏尋擢右正言帝謂宰相曰李昂英南人無黨中外頗憚之除兼侍講益感知遇知無不言屢擢吏部侍郎番禺開國男歸隱文溪之上久之召爲端明殿學士僉樞密院事辭不赴帝賜其所居額曰久遠曰文溪曰嚮陽堂

黃志

御賜竹隱精舍

李用字叔大東莞人少孤事母極孝愛盡禮雖盛暑侍母側未嘗去巾襪德器凝重造次必以規矩鄙慢之氣不形也初業科舉及讀周禮諸書卽棄之杜門潛心理學非親友婚祭不出如是者將三十年而踐履日益熟士之從學者館無虛日自號竹隱人稱曰竹隱先生李昂英聞其賢就見之與語終日用未嘗有懈容昂英出語人曰吾今乃見有道君子嘗著論語解究明伊洛奧旨以溯洙泗之源訓誥明白便於講誦學者傳習之昂英進其書於朝詔

嶺南叢述

卷二十四

知遇

六

授校書郎用曰著書豈干祿計哉不受而歸又遷承務郎以旌其高安貧樂道無所求於世其誨生徒貌肅色和聲疊有序人樂從之遊以故多所造就卒年八十一所著論語解梓行天下廣東提刑周梅叟後奏於理宗特賜御書竹隱精舍匾

戴志

賜李質詩

遣李質賑濟山東時上賜以詩曰遣卿持檄按齊東念爾賢勞苦厥功經國老臣勤苦恤行天使者起疲瘵官儲有粟宜從賑囊橐無科任至公七十二臣皆歷遍馬蹄無處不春風

粵大記

何真鐵券

皇帝制曰昔人有云識時務者謂之俊傑曩者元運將終華彝鼎沸擅聲教以役生民朝興暮泯相繼疊疊終不知時務而識天道尙驅民以應鋒鏑如此者豈一二人哉當是時爾何真率嶺南諸州壯士保境安民他非其人安敢輕入爾守疆如斯已有年矣其

嶺南諸州之民莫不仰賴安全於亂時洪武初朕命將四征所在雖有降者非見旌旗則未肯附爾真聞八閩負固桂林之徒驅民海上逃生亦不量力獨爾真心悅誠服罄嶺南諸州具在表文入朝全境安民豈不識時務者哉曩者事務繁冗有失撫順之道致真職微有負初歸之誠今特命爾東莞伯食祿一千五百石使爾祿及世世朕本疎愚皆遵前代哲王之典禮茲與爾誓若謀逆不宥其餘死罪免爾二死子免一死以報推誠之心其尙加恭慎以保祿位延於永久豈不偉歟爾敬之哉

黃志

聘典文衡

洪武三年廣東行省參政周楨等聘禮名儒以典文衡得李初等十二人明年舉進士者六人

黃志

徵袁友信兩詔

皇帝詔曰聖帝親賢四海仰咸熙之烈明王籲俊萬年頌至治之嶺南叢述

卷二十四

知遇

七

休朕荷天地祖宗之靈中天建極撫治萬方思得賢才以宏化理蒐羅天下擢用不遺處士袁友仁邃養裕於身心風聲達於國家躬逢明盛宜顯勲猷茲特下詔徵求赴京任用共致太平之盛幸追上古之隆所在有司勉爲勸駕服茲詔命馳驛趨朝○皇帝詔曰海內重熙每賴羣工夾輔乾坤再闢尙資多士匡扶朕荷天地寵靈臣民推戴克平內難嗣服丕基政旣維新人思求舊徵士袁友信旣荷先朝恩命未究宏猷宜攄夙昔忠忱大張偉績茲特詔爾所在布按三司敦禮再徵回京任用於戲求賢若渴朕每愛立無方藏器待時爾宜效忠不怠

東莞舊志

陳璉獻頌

琴軒先生當永樂初鋪張朝廷威德爲平安南巡狩平羗三頌及饒歌鼓吹曲十二首以獻文皇甲夜覽之大加稱異遂以滁州守超擢西蜀憲使文人遇主之隆論者以比相如奏賦始有過之云

禁中讀書

黎光字仲輝東莞人博學能文倜儻有奇氣洪武壬子膺鄉薦與張唯王輝等十八人選入禁中文華堂讀書釋褐拜監察御史歷官刑部侍郎黃志

衣冠勝事

廣于天下為遠藩仕籍華秩已少况瓊于廣又為遠郡成化二年秋進薛公遠戶部尚書邢公宥都御史邱公濬翰林學士皆在一月恐雖天下望郡亦希海外衣冠勝事真奇逢也瓊州府志

羅勉夫列上客

順德有羅彪者字勉夫永樂時常遊京師有一王府命工人圖松當成彪見之書題松詩一首工人重其絹無以復遂論彪汚圖狀于王王目彪詩奇其才令給筆札復試之彪受令頃刻奏王悅置

嶺南叢述

卷二十四

知遇

八

酒飲彪雷為上客彪頓首謝曰今俊旄列裾大王之門不可勝數臣愧乏枚路之才無為菟園重聲價也且臣南人不能久客茲士願乞骨骸歸王厚賜遣之蓋亦儻蕩奇節士云廣語

白沙先生

獻章自幼穎悟一日讀孟子有天民者達可行于天下而後行之慨然歎曰大丈夫行己當如是正統十二年丁卯中鄉試戊辰辛未兩赴禮闈不第年二十有七從撫州吳與弼講伊洛之學丁亥復游太學祭酒邢讓試和楊龜山此日不再得詩驚曰龜山不如也以為真儒復出云成化十五年壬寅廣東左布政使彭韶總督兩廣軍務右都御史朱英前後具本薦于朝韶疏畧曰心術正大識見高明涵養有素德性堅定立志願學于古人榮辱不足以介意云云吏部移文廣東布政司等衙門趣令起程獻章以母老及病未輒行英疏先有曰臣已令獻章就道矣謂章曰先生不行如

英墩上何不得已強起于成化十九年三月二十日至京朝
部告以久勞道路舊病復作延月餘于五月二十五日吏部題奉
聖旨恁部裏還考試了量擬職事來說以病在床褥卽令姪男陳
景星赴通政司告轉行本部暫令調治七月十六日扶病聽試至
部門復以病發再告復延旬日八月二十二日得報母氏憂念病
作待章南歸以日爲歲二十八日遂疏爲患病陳情乞恩終養事
疏畧曰臣母以貧賤早寡俯仰無聊殷憂成疾老而彌劇使臣遠
客異鄉臣母之憂臣日甚愈憂愈病愈憂憂病相仍理難長
久臣又以病軀憂老母年未暮而氣已衰心有爲而力不逮夫內
無攻心之疾則外不見從事之難上有至仁之君則下必多曲成
之士惟陛下以大孝化天下以至誠體萬物海宇之內無匹夫匹
婦不獲其所者乞敕吏部放臣暫歸田里俟母養養終臣病全愈
仍前赴部以聽試用則臣母子未死之年皆陛下所賜疏上九月

嶺南叢述

卷二十四

知遇

九

聖旨陳獻章旣該巡撫等官薦他學行老成可用今懇切求回養
母吏部還查聽選監生願告回家的例來說吏部查例覆奏初四
日聖旨陳獻章旣係巡撫等官薦他今自陳有病乞回終養與做
翰林檢討去親終疾愈仍來供職以動履艱難不能拜舞令景星
具狀鴻臚寺告俟筋力稍紓勉強赴闕稱謝旣又病不能興乃具
疏令景星謝恩而歸應召錄 惲敬白沙祠堂記有曰有明以來言學
者人人殊矣未有不致慎于五倫者虞書曰敬敷五教在寬中庸
曰天下之達道五所以行之者三孟子曰人倫明于上小民親于
下聖賢教人如此而已先生自正統十二年舉于鄉十三年赴會
試景泰二年亦赴會試後更十五年至成化二年始赴會試此何
爲哉蓋明代宗之立所以守社稷也于義本甚正然英宗歸而錮
之南內則君臣之禮廢而兄弟之恩絕矣易太子則父子之道舛
矣至英宗復辟輔之者幾如何篡焉於是而君臣父子兄弟之倫

不可復明遂成一攘奪之天下嗚呼此先生之所以不出也憲宗則序宜立者也故先生復出焉魯定公從亡於乾侯後昭公薨季氏板而立之與明代宗英宗不同故孔子不仕於陽貨執政之時而仕於季斯悔禍之日若先生則非止避徐有貞石亨也人倫明而後道學正故先生爲大儒

大雲山房文稿

邑令稱弟子

丁積字彥誠江西寧都人成化中除新會知縣聞邑中有白沙陳先生喜曰吾得師矣請白沙門人梁編修儲李主事祥爲先容既至事以師禮月分其所得俸給之白沙謝不受有所聞行之惟恐

後

洛閩源流錄

白沙之徒

宏治十八年乙丑會試太常卿張元楨侍講學士楊廷和爲主考得一卷曰非白沙之徒不能爲此署第二名揭曉唱名乃廣東增

嶺南叢述

卷二十四

知遇

十

城人湛若水也湛從白沙遊云

制義科瑣記

廣文三校文場

林光東莞人官平湖教諭成化丙午主考福建宏治己酉主考湖廣是年總修浙藩憲宗實錄辛亥修嘉興邑志壬子復同考順天

時人榮其遇云

洛閩源流錄

優詔梁儲

梁儲受遺詔迎世宗入繼大統寵眷方隆忌者陰嗾其黨論之儲累乞骸手詔褒諭曰張九齡之忠蓋崔與之之風概卿可謂兼之矣遣官護行乘傳還鄉命有司給月米輿隸時人榮之

鬱洲遺稿

方文襄公

方獻夫南海人嘗四載五轉皆兼學士溫旨慰留先後凡二十有二殊賜以數十計歲時病問以禮不絕御札玉箋三錫賜金章曰忠誠直諫寵眷莫與之比

甘泉文集

海內名士

嘉靖戊戌冬命選宮僚吏部尚書許讚疏薦海內名士十人充之
南海尚書霍韜居首而香山黃佐與焉金志

海忠介公上疏

肅皇帝一意元修紀綱廢弛瑞慷慨上陳責以父子君臣夫婦之
薄土木醮修服食桃藥之妄散爵祿耗精神君道不正臣職不明
之失侃侃數千言疏入上怒甚已復取置御案日再三讀感動太
息稱有比干之忠又密諭輔臣他說的都是理但言過激爾遽加
刑戮恐後無此人輿大記

父子各占一元

倫文敘南海人宏治己未科會狀子以諒正德丙子解元以訓正
德丁丑會元父子三人各占一元榆元小錄

林大欽

嶺南叢述

卷二十四 知遇

十一

嘉靖十一年賜林大欽孔天允高節及第先是禮部尚書夏言上
疏正文體諸刻意騁詞浮誕磔裂壞文體者擯不得取詔可既廷
試復合儀制郎中約束諸士咸措聽而大欽獨後至不聞也起不
用對冒而文氣甚奇吏部尚書汪鋳得之詫曰怪哉以示大學士
張孚敬已定二卷覽之曰雖破格甚明健可誦也取為第三既呈
覽上諭批第一時年二十二制義科瑣記

賜上方劍

葉夢熊歸善人屢官甘肅巡撫時哱拜叛上疏請討帝賜以上方
劍夢熊督諸將戰平之事聞擢右都御史復加兵部尚書○東莞
袁崇煥巡撫遼東奏言東事本不易竣陛下既委臣臣安敢辭難
但五年內戶部轉軍餉工部給器械吏部用人兵部調兵選將須
中外事事相應方克有濟帝為飭四部臣如其言崇煥又言以臣
之力制全遼有餘調眾口不足一出國門便成萬里忌能妬功夫

豈無人卽不以權力掣臣肘亦能以意見亂臣謀帝起立傾聽諭之曰卿無疑慮朕自有主持大學士劉鴻訓等請收還之臣桂尙方劍以賜崇煥假之便宜帝悉從之

明史

勅賜陳子壯父熙昌制書

崇禎元年戊辰詔起諸言事者公以左春坊左諭德召用公父亦遷吏科都給事中會病卒詔贈太常寺少卿制書曰憶貂璫燭焰之日正螭首濡墨之辰射隼高墉固無暇計於利鈍抒忠丹陛亦罔慮及於身家植千載之綱常極一時之譽謬誰從煤藥大肆苛求以爾子賢書爲罪書致爾官柳篋爲謗篋俱從削奪罔念貞良朕掃除虐政振拔孤忠登爾子於啟沃論思之班嘉爾品於綱紀法度之上又曰汲孺排闥千秋共錄其忠史魚尸諫百世猶高其直爾恂恂有道温温恭人乃復履危地而無改容迫臨大節而不可奪得則欲行於天下隱則施教於有家有子作我師臣何殊爾嶺南叢述

卷二十四

知遇

三

夙宵左右身雖不遠道已畱餘時公父子忠義暴於朝廷制書褒

美人皆榮之

練要堂稿

吳六奇雪遣

海寧查孝廉繼佐字伊璜才華豐艷而風情瀟灑常謂滿眼悠悠不堪酌對海內奇傑非從塵埃中物未可得也家居歲暮命酒獨酌頃之愁雲四合雪大如掌因緩步至門冀有乘興佳客相與賞翫見一丐者避雪廡下強直而立孝廉熟視良久心竊異之因呼之入坐而問曰我聞街市間有手不曳杖口若啣枚敝衣枵腹而無餓寒之色人皆稱爲鐵丐者是汝耶曰是也問能飲乎曰能因令侍童以壺中餘酒傾甌與飲丐者舉壺立盡孝廉大喜復熾炭發醅與之約曰汝以甌飲我以卮酌竭此醅乃止丐盡三十餘甌無醉容而孝廉頽臥胡床矣侍童扶掖入內丐逡巡出仍宿廡下達旦雪霽孝廉酒醒謂其家人曰我昨與鐵丐對飲甚歡觀其衣

極藍縷何以禦此嚴寒亟以我絮袍與之丐披袍而去亦不求見
致謝明年孝廉寄寓杭之長明寺暮春之初偕侶携觴薄遊湖上
忽遇前丐於放鶴亭側露肘跣足昂首獨行復挈之歸寺詢舊袍
何在曰時當春杪安用此爲己質錢付酒家矣孝廉竒其言因問
曾讀書識字否丐曰不讀書識字不致爲丐也孝廉悚然心動薰
沐而衣履之徐諗其姓氏里居丐曰僕系出延陵心儀曲逆家居
粵海名曰六竒祇以早失父兄性好飲博遂致落拓江湖流轉至
此因念叩門乞食先賢不免僕何人斯敢以爲汚不謂獲造明公
賞于風塵之外加以推解之恩僕雖非淮陰少年然一飯之惠其
敢忘乎孝廉亟起而促其臂曰吳生固海內竒傑也我以酒友目
吳生失吳生矣仍命寺僧沽酒梨花春一石相與日夕痛飲盤桓
累月贈以屣履之資遣歸粵東六竒世居潮州爲吳觀察道夫之
後畧涉詩書耽遊盧雉失業蕩產寄身郵卒故于關河孔道險阻

嶺南叢述

卷二十四

知遇

十三

形勝無不諳熟維時天下初定王師由浙入廣舳艫相銜旌旗鉦
鼓喧耀數百里不絕凡所過都邑人民避匿村谷間路無行者六
竒獨貿貿然來邏兵執送麾下因請見主帥備陳粵中形勢傳檄
可定竒有義結兄弟二十人素號雄武祇以四海無主擁衆據土
弄兵潢池方今九五當陽天旅南下正蒸庶後蘇之會豪傑效用
之秋苟假竒以遊劄三十道先往馳諭散給羣豪近者迎降遠者
響應不踰月而破竹之形成矣如其言行之粵地悉平由是六竒
運箸之謀所投必合扛鼎之勇無堅不破征閩討蜀屢立竒功數
年之間位至通省水陸提督當六竒流落不偶時自分以汚賤終
一遇查孝廉解袍衡門贈金蕭寺且有海內竒傑之譽遂心喜自
負獲以奮跡行伍進秩元戎嘗言天下有一人知己無若查孝廉
者康熙初開府循州卽遣牙將持三千金存其家另奉書幣邀致
孝廉來粵供帳舟輿俱極腆備將度嶺吳公子已迎候道左執禮

甚恭樓船簫鼓由胥江順流而南凡轄下文武僚屬無不願見查先生爭先饋貽篋綺囊珠不可勝紀去州城二十里吳躬自出迎入騶前馳千兵後擁導從儀衛上擬侯王既迎孝廉至府前蒲伏泥首自稱昔年賤丐非遇先生何有今日幸先生辱臨糜丐之身未足酌德居一載軍事旁午凡得查先生一言無不立應義取之資幾至鉅萬其歸也復以三千金贈行曰非敢云報聊以誌淮陰少年之感耳先是茗中有富人莊廷鉞者購得朱相國史概博求三吳名士增益修飾刊行于世前列參閱姓氏十餘人以孝廉夙負重名亦借列焉未幾私史禍發凡有事于是書者論置極典吳力爲孝廉奏辯得免孝廉嗣後益放情詩酒盡出其橐中裝買美鬢十二教之歌舞每于良宵開讌垂簾張燈珠聲花貌艷徹簾外觀者醉心孝廉夫人亦妙解音律親爲家伎拍板正其曲誤以此查氏女樂遂爲浙中名部亦一奇事也

嶺南叢述

卷二十四

知遇

十四

陳清端公超擢

海康陳清端公以福建臺廈道超擢湖南巡撫廷見日

聖祖日以苦行孝僧稱爲國家祥瑞寵賜

御製詩章及貂裘等物

清端文集

宣力南疆

左公界園諱必蕃順德人以知縣擢御史出知揚州奪情起用

仁皇帝南巡賜宣力南疆宸翰以褒之旋陞都憲

五山志林

五箴懸殿

林蒲封官翰林院侍讀學士制五箴以獻一曰保業二曰惜時三曰遠謀四曰重微五曰務實大要彷彿司馬文正五規而忠愛之心流楮墨間者亦不愧前哲也

命書于懋勤殿屏間

顧德懋文集

王定九奪解

王定九瓊州人家貧力學王安國屢拔前茅嘗謂定九曰汝文章容大雅決罩羣英值省試命教官敦逼數次始赴省是科果奪解王督學自矜藻鑒鳴金傳見時人以為榮

疏薦胡方

胡方新會人學使惠士奇踵門不肯見後廉訪其行特為疏薦稱其積學力行一介不苟今年已衰老不能効奔走之用請恩錫命服并依古養老之禮命有司月致酒米以寵異之俾通省士子知有道而文者後必獲報

鴻桶堂文集

莊巡撫聯句

莊有恭字容可號滋圃乾隆己未第一甲第一名進士及第授修撰

國朝廣東狀元自有恭始歷官至江蘇巡撫調浙江乾隆二十七年

嶺南叢書

卷二十四

知遇

五

聖駕三次南巡過嘉興侍

上遊鴛鴦湖並烟雨樓樓中舊有錢陳羣書孟頫耕織圖詩屏並書

上鑄鐘特磬一銘于壁

上指陳_事所書以問有恭奏言臣目近視實不能見

上為之大笑隨

召有恭聯句用石鼎體

御製澎湖換輪舟載容携大吏延攬鏡中央

恭有

疊幄圖次第二元瑯

首締構仲走足標致名寧詫鴛鴦

御製利頗擅荷芰謂當烟雨濛乃值春光霽遊日益悅心

恭有對時

兼得地青巒識送迎白鳥忘呵避柔桑驗萌芽

御製繡壤嫌鼓吹耕織八政關鐘磬元首肄老錢筆力健

恭有蒙莊

示蒙翳前虛豹尾隨今預鷓頭伺隄桃佇醜紅

御製渚柳漸凝翠近遠景畢呈吟咏興誠遂何殊侍西清有恭竊

遶南暨遲牽載書船急控催詩轡遇榮三接承御製音矢載賡繼頻陰所恒慣屢晴實罕事却慮悞東作有誠然

得西利三農足冬雪萬國來輯瑞瞻天愜衆情御製觀風塵子意陽舒固勝陰月計尤省歲最爾爲清心體茲共濟義中間翳字韻卽調前事也自來

上聯句皆

召扈從諸臣未有獨命大吏者真君臣一德盛事也

御製賜有恭詩云已未親爲策士文精衡藻榜得超羣起行不負坐言舉率屬偏能克已勤鶴市舊聲猶眷眷龍山新政更殷殷海塘正是投艱處磐石維安勉奏勲其

寵眷如此未幾陞吏部尚書協辦大學士

淡墨錄